

277 Fu posto, per li Savii, dar licentia a Marco Antonio Longin secretario nostro in Austria ch' el vegni a repatriar, atento il combiato li è stà dato. Fu presa. Ave

Et nota. Si doveria *etiam* nui dar licentia a l' orator di l' Archiduca è in questa terra, et a quel di l' Imperador che stano come spioni.

Fu posto, per li Consieri, Cai di XL et Savii, che la tanxa fata a sier Nicolò Valier qu. sier Silvestro, qual è morto et ha lassà la sua facultà in varii legati, sia comessa ai VIII Savii aldino li Procuratori soi commissarii, et parti dita tansa come a loro parerano esser il dover, non però sminuendola. Fu presa. Ave 179, 20, 11. Et cussi de sier Francesco Foscarini et Beneto Pissina.

Fu posto, per li ditti, che hessendo creditor sier Marin Bondimier qu. sier Bertuzi del suo credito di Podestà a Budua, ditto credito, qual è a l' officio di camerlengo de Comun, sia portato ale Cazude, et possi tuor tanti debitori del ditto officio *ut in parte*. Et fu presa. Ave 138, 32, 20.

Fu posto, per li ditti, che sier Marin Gisi qu. sier Marco creditor del salario di Camerlengo a Ruigo di ducati 37, grossi 3, piccoli 26, sia portato ale Cazude, et puossi tuor tanti debitori del 1516 in là *ut in parte*. 179, 20, 1.

Fu posto, per li ditti, che li Auditori vechi presenti quali per le leze nostre poleno scontar il loro salario in tutte le angarie perse exceto Montenovo, se poleno scontar in le tanse taiade al Monte del subsidio, però sia preso che li ditti Auditori possino scontar lo dito salario al Monte del subsidio. Ave 138, 58, 4. Non fo stridà presa per voler veder le leze, et adi 6 Luio fu balotà fra i Consieri et terminà sia presa.

Fu posto, per li Savii del Conseio et terraferma, *cum sit* che lo illustre signor Thodaro Triulzi, *olim* Governator zeneral nostro, fato i loro conti par creditor di zercha ducati 13 milia, et si è venuto in resto, et contentà esser fatto creditor *solum* di ducati 10 milia; per tanto sia preso che'l ditto signor Theodoro sia fato creditor di ducati 10 milia, con questo, expedita la presente guerra, sia satisfato di ogni danaro di la Signoria Nostra a raxon di ducati 2000 a l' anno *ut in parte*. Qual leta, il Conseio mormorò non era tempo di metter tal parte etc.

Et sier Alvise Mocenigo el cavalier andò in renga per contradir, et fo rimessa a un altro Conseio; et non fu fato altro.

Scurtinio di tre Savii di terra ferma, in luogo 277 di sier Francesco Bernardo, sier Piero Boldù et sier Antonio Surian dotor et cavalier, che compieno.*

Sier Alvixe di Prioli fo provedador al sal, qu. sier Francesco	55.168
Sier Francesco di Prioli è ai X Savii, qu. sier Lorenzo, qu. sier Piero procurator	37.187
† Sier Ferigo Renier fo Savio a terra ferma, qu. sier Alvise	147. 76
Sier Michiel Morexini fo Savio a terraferma, qu. sier Piero	102.113
Sier Valerio Marcello fo Savio a terraferma, qu. sier Giacomo Antonio cavalier	96.123
Sier Marco Antonio Grimani è di Pregadi, de sier Francesco	106.115
Sier Piero Diedo è di Pregadi, qu. sier Francesco	74.150
Sier Domenego Pizzamano è di Pregadi, qu. sier Marco	72.155
Sier Troian Bolani qu. sier Hironimo	86.141
Sier Nicolò Justinian el Savio sora le aque, qu. sier Bernardo	76.145
Sier Hironimo Grimani fo Cao del Conseio di X, qu. sier Marin	112.111
Sier Zuan Antonio Venier fo avogador, qu. sier Giacomo Alvixe	85.137
Sier Bortolamio Zane fo a la camera d' imprestidi, qu. sier Hironimo	104.122
— Sier Filippo Trun è di Pregadi, qu. sier Priamo	118.115
Sier Zacaria Bembo fo Savio a terraferma, qu. sier Matio	92.132
Sier Zuan Nadal Salamon fo Savio a terraferma, qu. sier Thomà	100.125
Sier Lunardo Zantani è a la camera d' imprestidi, qu. sier Antonio	102.121
† Sier Francesco Morexini fo Savio a terraferma, qu. sier Nicolò	141. 79
— Sier Antonio di Prioli <i>dal Banco</i> , el Cao di X, qu. sier Marco	118.101

Rebalotadi.

Sier Filippo Trun è di Pregadi, qu. sier Priamo	131. 93
Sier Antonio di Prioli <i>dal Banco</i> , el Cao di X, qu. sier Marco	131. 88